

Буряад Унэн



Эхэ найхан нютагаа эд хамта мандуула!

# БУРЯАД ҮНЭН

1921 оной  
декабриин 21-нээ  
гарана

Бүгэдэ  
арадай  
газетэ

1996  
МАЙН  
8  
Хабарай һүүл харлуу  
һарын 20  
СРЕДА  
гарагай 4  
№86 (19426)  
Газетын сэн  
Хэлсэртэ.

## ДУРАСХААЛЫНЬ ХЭТЭ МҮНХЭДӨӨ ҮЛЭХЭЛ!



Мүнөөдөрөө эхилэн энэ гэртэ, Бабушкинай нэрэмжэтэ үйлсын 23-дахи байрын 2-дохи байрада Россин Федерациин Герой, лётчик С. И. Вандышев ажабуугаа гэжэ Улаан-Үдэ хотын хүн зон гэрэй урда талада үлгэгдэн энэ самбарые харахадаа, мэдэхэ болобо, - гэжэ Улаан-Үдын Октябрьска районной дайнай, ажалай ветерануудай соведэй гүрүүлэгшэ А. С. Акинфеев дурасхаалай митинг нээхэдээ хэлэнэ.

табиһан байгаа. Эсэгэ ороноо хамгаалгын Агууехэ дайнай жэлнүүдтэ штурмовой авиациин лётчик ябаһан Вандышев дайшалхы 158 ницдэлгэ хэһэн гэжэ мэдэнэбди. Тиихэдээ дайсанай 23 танк, 59 хуягта буунуудые халгаһан, 4 самолёт үгы хэһэн, бүлэгтээ хамта агаарай үшөө 3 онгосо үгы хэлсэһэн байха юм. Сергей Иванович эдэ бүгэдэньгөө түлөө дайшалхы Улаан Тугай хоёр, Эсэгэ Ороноо Хамгаалгын дайнай хоёр, Александр Невскийн орденуудаар, олон тоото медальнуудаар шагнагдаһан байна.

дайлагдадаг Сергей Вандышевта Советскэ Союзай Геройн нэрэ зэргэ олгохо тухай хоёр удаа зууршалагдаһанһые наа, элдэб шалтагаанаар хүндэтэ энэ нэрэ зэргэ олгогдодоггүй байһан юм. 1994 ондо фронт дээрэ баатар габыа гаргаһан майор Вандышевта Россин Федерациин Геройн нэрэ зэргэ олгогдоо бэлэй.



1994 оной майн 6-да Сергей Иванович Вандышевта Россин Федерациин Геройн нэрэ зэргэ олгохо тухай зарлигта Россин Президент Б. Н. Ельцин гараа эрэлхэг зоригтойгоор дайсанай лётчигуудтай эрэлхэг зоригтойгоор дайлагдадаг Сергей Вандышевта Советскэ Союзай Геройн нэрэ зэргэ олгохо тухай хоёр удаа зууршалагдаһанһые наа, элдэб шалтагаанаар хүндэтэ энэ нэрэ зэргэ олгогдодоггүй байһан юм.

### ЭСЭГЭ ОРОНОО ХАМГААЛГЫН АГУУЕХЭ ДАЙНДА ХАБААДАГШАДТА РОССИН ФЕДЕРАЦИИН ПРЕЗИДЕНТ Б. Н. ЕЛЬЦИНИИЕ ОЛОНИИТЫН ЗҮГҺӨӨ ДЭМЖЭЛГЫЕ ЗАЛАН ХҮТЭЛБЭРИЛГЫН БУРЯАДАЙ КОМИТЕДЭЙ ХАНДАЛГА

ХҮНДЭТЭ ханинар, нютагархид!  
Эсэгэ ороноо хамгаалгын Агууехэ дайнда совет арадай туйлаһан Агуу Илалтын 51-дэхи жэл 1996 оной майн 9-дэ гүйсэхэнь.

шархануудые хэдэрээнэ. Гэбэшые уйдхар гасалан хүнүүдтэ сүхэрэл, сэсэн бодол асардаг. Хэрбээ нягта жагсаалтай, бата нэгдэлтэй байбал, хэрбээ бултадаа ниитэ нэгэн найн найхан уг зорилготой ябабал, арад түмэнэй ямар ехэ амжалта туйлажа шадаха байһые таанад бултанһаа үлүү найнаар мэдэнэгт. Эгээл тиимэхээ бидэ Таанадай дүй дүршэлдэ, нэрэ хүндэдэ, хүсэл зоригто, тэсэбэридэ найдажа ханданабди. Мүнөө хубиллалтануудай эгээл хүшэр бэрхэшээлтэй үе үнгэрөө. Бидэ бултадаа общество дотороо тогтууритай байдал хангаха ёһотойбди.

### "Буряад үнэн - 96" ЗАХИЛ ҮРГЭЛЖЭЛХӨӨР

Хүндэтэ уншагшад!  
Байгша оной апрелиин 1-нээ 1996 оной хоёрдохи хахад жэлдэ захил хэлгэ эхилэнхэй. Апрельин 1-нээ майн 1 болотор захил хэгшэдтэ хэлхээ холбооной хангалгын талаар 30 процент хүнгэлэтэ тогтоогдоо һэн. Энэ хүнгэлэтые хамбаашалан, олохон уншагшаднай захил хэжэ үрдэе гэжэ найданабди.

### ГЕРОЙН АЛДАР СОЛО МҮНХЭ

Майн 7-до Советскэ Союзай Герой, гвардин полковник В. Б. Борсоевой түрэхөөр 90 жэлэй ойдо зориулагдаһан уулзалга Үндэһэн номой санда үнгэрбэ. Үндэһэн номой сангай хизаар ороноо шэнжэлгын таһагай хүдэлмэрилэгшэдэй үүсхэл оролдогоор энэ уулзалга болобо.

### ЭНХЭ ТАЙБАН БАЙГ ЛЭ

Хүндэтэ нүхэд! Дайнай болон ажалай ветеранууд, "Буряад үнэн" газетын уншагшад! Та бүгэдэниие Илалтын найндэрөөр халуунаар амаршалнаб.

### Компьютерна класстай болохонь ПРЕЗИДЕНТЫН ҮГЭ БАТА

Буряад Республикын Президент Л. В. Потопов Захаамнайн аймагаар албанынгаа хэрэгээр ябахандаа, ажалша коллективүүдтэй уулзаһан, ажайнуудай болон предпрятинуудай байдалтай танилсаһан, соёлой гулматинуудай, хургуулинуудай ажал хэрэгүүдээр һонирхоһон байна гэжэ мэдээсэгдээ һэн.


### ДАСАНАА ХЭРГЭЭН БОДХООЁЛ!

Түймэрэй аюулда орожо хайлашаһан дасаниие хэргээн бодхоохо зорилготой телемарфон майн 11-дэ үлгөлсэй 11 сагта Дээдэ Онгостойдо үнэргэгдэхэнь. Энэ хэмжээ ябуулгада эдэбхитэйгээр хабаадажа, шадал зэргээрээ туһалхыетнай бүхы хүнүүдые гуйнабди.









Уран бэлиг—арадай баялиг

# ЖАРАН ЖЭЛЭЭ ЖАБХАЛАНТАЙГААР...

(Республикын Соёлой министерствын дэргэдэхи РЦНТ-гэй баярай үдэшэһөө)

БУРЯАД ОРОНОЙМНАЙ соёлоодой, уран бэлигтэнэй искусстватай харин ороноудай хүн зон саг үргэлжэ танисажа байдаг найхан заншалтай. Илангаяа республикымнай Соёлой министерствын дэргэдэхи Арадай уран бэлигэй түбэй хүтэлбэри доро ажалладаг "Лотос", "Магтаал", "Наран-Гоохон", "Булжамуур", бусад ансамбльнууд, хүдөөгэй фольклорно бүлэгүүд Франци, Голланди, Бельги, Испани, Иран болон бусад ороноудар ябажа, түрэл арадайнгаа бэлигыг харуулжа, буряад нютагаа гүдөөлжэ, хани харилсаагаа улам саашань бэхжүүлжэ байдаг габыятай гэшээ.

Иланган оперо болон баледэй театрай тайзан дээрэ Арадай уран бэлигэй республиканска түбэй байгуулагдаһаар 60 жэлэй ойн хүндэлээдэ үнгэргэгдэхэн баяр ёһололой үдэшэ арадай гүн сэдхэлэй, бэлиг талаангай баян арга боломжонуудыг үшөө дахин гэршэлхэн байна. Хабарай энэ сэлгээ найхан үдэшэдэ хабаадаһан олон тоото найн дуранай коллективүүд Буряад орондомнай эбтэй эетэйгээр ажалуудаг, харилсадаг буряад, ород, эвенк, шэмээшэг, бусад яһатанай искусствые, хатар дуу, арга шадабарие үргэнөөр харуулба. Тийн арадай сэдхэлэй дундаршагүй баялиг болоһон аман зохёолой абдарһаа абтаһан, мүнөө үеын эрилтээр найруулагдаһан хатар, дуунуудай найндэртэ хүнүүд

олоороо ерээ. Шэмээшэгүүдэй ансамбльнууд уран бэлигээ гэршэлэн, хатар дуугаа таталуулба. Нүр жабхаланта аялга хүгжэмыг духовой оркестр наадажа, баяр ёһололой үдэшэдэ доруун, хүхюун байдал тогтооһон байна. Республикын соёлой хүдэлмэридэ бүхы наһаая зорюулан, наһанһаа нүгшэхэн уран бэлигтэнэй дурасхаалда Маргарита Хрущёвагай ударидадаг "Ариг Ус" гэхэн камерна хооройхид дуулаһан юм.

Концертыг саг үргэлжэ хүтэлбэрилжэ байдаг (15 жэлэй саана тэрээнтэй хамта фольклорно республиканска найндэр этнографическа музейдэ хүтэлөө нэмди) республикын соёлой габыята хүтэлбэрилэгшэ Владимир Ковалёв ехэ баяртайгаар иигэжэ сонсохобо: "Алтайн мэдээжэ трио (гурбаниие) угтагы!" Тийгэжэ хэлэмсээрнэ зал соо альга ташалган нэръешэбэ. Тайзан дээрэ үнөөхи хүгшэдэй уг залгагшад—буряад дэгэлтэй гурбан бага басагад гараад, Б. Цырендашиевай "Мэдэбэлби" гэхэн дууе хонгёогоор ханхинуулхадань, шагнагшад аргагүй халуунаар угтаһан байна.

Авиазавадой "Рассвет" гэхэн Соёлой ордонгой "Радуга" гэхэн хүүгэдэй эдир хатаршад шаб шарахан дальбарахайнууд боложо, "Киндер-сюрприз" гэхэн хатар харуулба.

Тарбагатайн һоол жаахан Т. Михеева частушкануудыг эдэлүүдэ.

"Вдохновение" гэхэн бальна хатарай ансамбль (хүтэлбэрилэгшэнь— республикын соёлой габыята хүдэлмэрилэгшэ Вера Мангутханова) энэ үдэшэ олон хатарнуудаар баясуулжа, баяр ёһололой энэ найндэрыг уран бэлигээрээ шэмэглээ. Илангаяа "Европын хатарнууд" гэхэн темээр найруулаһа найхан сагаан платитай басагад, гоё фрак костюмтай хүбүүд (ехэшүүдэй бүлэг) ехэ гоёор гүйсэхэхэдэнь, тайзан дээрэ сагаан баглаа сээсүүдэй халбарһандал үзэгдөө лэн. Энэ ансамблин суута хатаршад Геля Мардаева, Александр Зубенко гэгшэд Латин Америкын түргэн хүдэлсэтэй хатарнуудыг шадамар бэрхээр хатаржа, эндэ сугарагшадыг жаргуулба.

Хэжэнгын арадай инструментнүүдэй оркестр (республикын соёлой габыята хүдэлмэрилэгшэ Виктор Аносов), Ивалгын дуунай бүлэг (республикын соёлой габыята хүдэлмэрилэгшэ Софья Гаврилова), хүдоо ажахын академиин "Алтан булаг" (республикын соёлой габыята хүдэлмэрилэгшэ Валентина Шахова) РЦНТ-гэй дэргэдэхи "Магтаал", "Булжамуур", бусад ансамбльнууд уран бэлигээ гэршэлээ.

Республикын Арадай Хуралай



комитедэй түрүүлэгшын өрлогшо Б. Намдаков амаршалгын үгэ хэлэжэ, бэшэг РЦНТ-гэй директор Н. Донсороновада барюулаа. "Буряад арадайнгаа искусствые альган дээрээ үргэжэ, айл бүхэндэ, нютаг бүхэндэ уран бэлигтэниие дэмжэжэ, зүрхэ оруулжа байдаг энэ түбэй соёлой ажал үргэн дэлисэтэй", - гэжэ ВАРК-ын вице-президент Б. Д. Баяртуев тэмдэглээд, "Баярай тэмдэг - бэшэг" РЦНТ-гэй директортэ дамжуулаа. Удаань "Магтаал", "Наран-Гоохон", "Ангар" ансамбльнуудта хабаадагшадта костюмуудыг оёхо 5985 мянган түхэригэй торго, бусад янзын бүд бэлэглэхэн тухайгаа

мэдээсэхэдэнь, хүнүүд халуун альга ташалгаар угтаба. Республикын соёлой министр Г. Н. Струбинов, ВСГАКИ-гай профессор Д. Ж. Батуев, искусствын болон соёлой училищин директор А. В. Лоскутникова болон бусад эмхинүүдэй дарганар амаршалаад, бэлэгүүдыг баглаа сээсүүдтэйгээр дамжуулан байна. Аймагуудай соёлой таһагуудай хүтэлбэрилэгшэд РЦНТ-дэ нэгэ-нэгэ миллион түхэриг бэлэг болгон дамжуулба.

Жаран жэлэйнгээ оёе жабхалантайгаар тэмдэглэжэ байһан бүхы республикымнай арадай уран бэлигтэнэй, талаантай зоной арга шадабарие энэ хабарай сээсүүд мэтээр саашадаашье халбарха, хүгжэхэ, хүн зоние баясуулха байһандань урмашахаар байна. Мүнөөшье "Лотос" ансамбль Францида, "Булжамуур" ансамбль түрэл арадайнгаа искусствые түлөөлхөөр Владивосток ошонхой, удаань Болгаридэ бэлигээ гэршэлэхэ юм. Арадай уран бэлиг дундаршагүй далай шэнги үргэн дэлисэтэй, булаг мэтэ ходоодо бурьялжа байг лэ!

Б. ОРБОДОЕВА.

ЗУРАГУУД ДЭЭРЭ: баяр ёһололой үеде: "Рассвет" Соёлой ордонгой "Радуга" ансамблинхид хатарна; Алтайн гурбан дуушад; "Вдохновение" ансамблинхид "Европын хатарнуудыг" гүйсэхэдэ; Тарбагатайн эдир дуушан Т. Михеева. С. БАЛДУЕВАЙ фото.

## Соёлой һонин

### "ТҮГНЫН ТАЛЫН" ТҮРҮҮШЫН ДУГААР

Мүнөө үедэ шэнэ газетэ хэблэн гаргаха гэшээ (илангаяа буряад хэлэн дээрэ) айхабтар үнэтэйшье, хүндэ хүшэршье хэрэг болонхой гэжэ мэдээжэ ааб даа. Теэд эдэ бүхы бэрхшээлүүдхээ халташье тунхарингүй Мухар-Шэбэрэй аймагта үинэй һуурижанхай, Ага шотагай шүлэгшэ хүбүүн Цыденжаб Цыритороной үүсхэл оролдолгоор "Түгнын тала" гэжэ нэрэтэй шэнэ газетэ мүнцэлбэ гээшэ.

Найл бин болоһон газетэ түрүүшын үедэ һарадаа нэгэ дахин гараһаар байгараа, ябан ошон аминдаа газетэ болохоор хараалагдана.

"Түгнын тала" гэжэ нэрэтэй шэнэ газетын түрүүшыл дугаар байгшаа оной апрелин 27-до барлагдан гараба. Энэ газетэ дотор Цыденжаб Цыритороной "Жэнхэни буряад хэлэмнай" гэхэн статья, Мухар-Шэбэрэй аймагтай ажаһууһадта хандалга, "Аймагай ажалай үдэр" гэхэн гаршаг доро мэдээсэлүүдэй суглууларии, "Уран зохёолой булан" үггэнхэй.


"Уран зохёолой булан" гэхэн гаршаг доро Исая Калашниковай нэрэмжэтэ уран зохёолой нэгэдэлэй эдэбхитэй гэшүүд болохо Николай Полдомшиной, Елена Павлуцкаягай расказууд, Цыденжаб Цыритороной, Зоя Козловагай, Светлана Нестеровагай шүлэгүүд үгтэнхэй.

Алтан дэлхэй дээрэ һая түрэн аша хүбүүгээ 75 наһа хүсэхэн "Буряад үнэн" һонинной коллектив түргэн хүд дээрээ гарахыень үрэнэ.

Д. БАЛЖИНИМАЕВ.







## ОЙН БАЯРАЙ УРИЛДААН

**Соведүүдэй талмай.** Энэ үдэр хэзээ хэзээнэйхиһээ дулаан байжа, урилдаанда хабаадаха хүбүүд, басагадай, тренерүүдэй шэг шарай баяраар халина. Энэмнай "Буряад үнэн" газетын заншалта урилдаан ха юм. Мүнөө 50-дахи урилдаанда хабаадаха хотын олон тоото хургуулинуудай, хуралсалай бусад газарнуудай хурагшад, оюутад, промышленна предприятинуудай түлоолэгшэд олоороо сугларба.

Үгмөнэй 10 час 30 минутатад урысөөндэ хабаадаха командануудай түлоолэгшэдэй парад-жагсаал болобо. "Буряад үнэн" газетын редакторай орлогшо С.Д. Ринчинов Буряад Республикын Залуушуулай хэрэгүүдэй, аяншалгын, физкультура болон спортын талаар гүрэнэй комитедэй түрүүлэгшэ С.В. Мантуров хоёрто спортсменүүдэй урилдаанда бэлэн болоһон тухай урысөөнэй ахамад судья, бүхэсюозна категориин судья В.Л. Балдаев элидхэнэ.

Заншалта урилдаанда спортсменүүдэй амжалта гуйлахынь тэдэнэй хүсэлэнэй удаа урилдаан эжилээ нэн.

11 час. Урилдаанай харгы дээрэ гүйсэд бэшэ дунда

хургуулинуудай хурагшад - басагад сугларжа, мүрысөөн захалба. Эдэнэр урилдаанда гаража, Ленинэй нэрэмжэтэ үйлсөөр доошоо шуумайлдан гүйдэжэ, үйлсын хажуу тээ байһан хүн зонтой дунда талархал татана. Эндэ жэл бүри шахуу эрхимлэжэ гарадаг 39-дэхи, 38-дахи хургуулинуудай басагад урилдаанай зүргэ буяадажа ороно.

39-дэхи хургуулиин басагад бүхы шатануудта хүрэхэдөө, бусаднаа хэдэхэн секундаар урилдажа, эстафетээр дамжуулалсаха юм. Тиигэжэ эбтэй эетэй эдэ басагадай команда дахинаа шалгаржа, үнэрэгшэ жэлэйхидэл түрүү хуури эзэлэ. Нүүлшын зайда гүйһэн командын гэшүүн Олеся Иванова хани басагадэйнгаа дамжуулан эстафетэ түрүүлэн асараа. Энэ команда бүхы зайгаа 7 минута 45 секунда соо гаталба. Эрхимлэгшэдхээ минута шахуу хожомдожо ерэхэн 38-дахи хургуулиин басагад хоёрдохи хуури эзэлэ.

Басагадай нүүлээр тус хургуулинуудай хүбүүд урилдаанда гаража, ГАИ-гай машинын хойноһоо шуумайлдаба. 39-дэхи хургуулиин хүбүүд эрхим дүн

харуулаа. Командын гэшүүн Дима Литвинцев түрүүлэн ерэжэ, бүхы зайгаа тэдээр 7 минута 11 секунда соо гаталһан байха юм.

Гурбадахи ээлжээндэ дунда хургуулинуудай басагадай команданууд урилдаанай зүргэ дээрэ багтажа ядатараа сугларба. Урилдааншые боложо, баһал шанга тэмсэл шага бүхэндэ болоно... Арбаад минута боложо ябахы үеэр энгэртээ "65" гэхэн номертой басаган нүгөөдүүлээ холо хаяад, түрүүлэн ерэбэ даа. Энэмнай 65-дахи хургуулиин түлоолэгшэ Люба Орлова оолоно. Эдэнэр 9 минута 53 секунда саг харуулаа. Харин эдэнэрхөө 16-18 секундаар хожомдоһон 18-дахи, 49-дэхи хургуулинуудай команданууд удаадахи хууринуудые эзэлбэ.

Хүбүүдэй дунда болоһон урилдаанда баһал 65-дахи хургуулиин команда шалгаржа ерээ. Эндэ нүүлшын зайда эстафетэ абаһан Анатолий Оширов түрүүлэн ерэжэ үрдихэн байба. 51-дэхи, 49-дэхи хургуулинуудай команданууд эрхимлэгшэдхээ хорёод секундаар хожомдожо ерэбэ.

Табадахи ээлжээндэ хотын техникум, училищинуудай, институтуудай, үйлэдбэрийн коллективүүдэй команданууд

урилдаанда табигдаба. Техническэ мэргэжэлэй училищинуудай дундаһаа 6-дахи, 2-дахи училищиин басагад шалгаржа, түрүүшын хоёр хуури эзэлэ. Харин хүбүүд сооһоо 2-дохи училищиин команда шалгаржа, тус училищиин тренер Батор Даширмаевые ехэтэ омогорхуула. Юуб гэхэдэ, нёдондо жэлдэ эдэнэр 13-дахи училищиин хүбүүдэ гарталһан юм. Училищинуудай дундаһаа Статистикын болон техническэ мэдээсэлэй колледжиин, медицинскэ колледжиин, индустриальна

### Б И Д Д У Д А М Ж А Р Ж А



техникумэй басагад илаһан һаа, хүбүүд сооһоо түмэр замай транспортн колледжиин команда шалгаржа, "Буряад үнэн" газетын дамжуулгын кубогга хүртэбэ.

Ажалша коллективүүдэй дундаһаа авиационно заводой эхэнэрнүүд, эрэшүүд сооһоо республикын, ороной мэдээжэ спортсменүүдхээ бүридэхэн Забайкалийн сэрэгтэй округтой спортын клубай, авиазаводой команданууд түрүүшын хоёр хуури эзэлэ.

Дээдэ хургуулинуудай дунда үнэрэгшэдхэн урилдаанда Зүүн Сибирийн гүрэнэй технологическа университетдэй оюутан Наташа Лаподун түрүүшын зайда эрхимлэбэ. Командын бусад гэшүүд Наташын түрүүлэн асарһан эстафетые алдангүй, командаяа түрүү хуурида гаргажа шадаа. Бурядай гүрэнэй университетдэй эрэшүүлэй команда шалгаржа, редакциин дамжуулгын кубогга хүртэбэ.

Хэдэн часай туршада үргэлжэлһэн урилдаан дүүрэжэ, түрүү хууринуудые эзэлһэн командануудта редакциин дамжуулгын кубоггууд, грамотанууд, дипломууд барюулагдаа. Тиихэдэ хурагшад, оюутад дундаһаа түрүүшын зайда эрхимлэхэн 18-дахи хургуулийн Тая Алферова, республикын сургуулагдэмал командын гэшүүд Андрей Карпуков, Юрий Чижов гэгшэдтэ мүнгэн шангууд олгогдобо.

Заншалта урилдаа үнэрэгэхэ хэмжээ ябуулгада эдэбхитэйгээр хабаадалсаһан, туһаламжа үзүүлһэн Буряад Республикын МВД-гэй ГАИ-гай хүдэлмэрилэгшэдтэ, судьянарта, медицинын, радиогой хүдэлмэрилэгшэдтэ баяр баясхалан хүргэнэбди.

**Б. ЦЫРЕМПИЛОВ.**  
ЗУРАГУУД ДЭЭРЭ:  
урилдаанай үе.  
С. БАЛДУЕВАЙ фото.



